

INDUSTRIKONSULENTEN PÅ OSTERØY

Årsmelding 2013

Godkjend i styringsutvalet 22.10.2014

Forutan direkte oppdrag for etablerarar og bedrifter og **sekretærfunksjonen for Osterøy Industrilag**, har følgjande oppgåver prega arbeidet i 2013: **sekretariat for Osterfjord Næringsamarbeid**, arbeid for etablering og utvikling av fleire **lokalsamfunnsutviklingsprosjekt** i Osterfjord-regionen, sekretær for **Hordaland Bioenergiforum**, arbeid for etablering av **Espevoll næringsområde** (reguleringsplan vedteken i 2012), prosjektansvarleg for **"Flettverk"** som rettar seg mot design, tekstilindustri og handverk i Osterfjordregionen, sekretær for **kompensasjons-styret** og medlem i rådet for **Kompetansesenteret for CNC og robot** ved **Osterøy vidaregåande skule**. Gjennom Osterfjord Næringsamarbeid har Industriksulenten teke initiativet til prosjektet «Kompetanseutvikling i CNC og robot-næringsmiljøet i Hordaland» som i februar 2014 vart tildelt 3 mill kr i tilskott frå Innovasjon Norge.

Industriksulenten har bistått ved oppfølging av 3 **skattefunnsprosjekt** i 1 Osterøy-bedrift. Ei bedrift som har produksjon i ein distriktskommune, har fått hjelp til å søke Innovasjon Norge og har fått 1,9 mill kr i tilskott.

Talet på **nye oppdrag**, 18, var lågare enn føregåande år. Talet på **etablerings-oppdrag**, 14, var litt lågare enn året før. Ca halvparten av desse nye etablerings-oppdraga har allereie resultert i **nye verksemdar**. I dette talet er ikkje rekna med nyetableringar i 2013 i samband med oppdrag som er registrerte året før/tidlegare år.

I 2013 arbeidde industriksulenten 50% stilling grunna kronisk sjukdom.

Industriksulenten er **sekretær for Osterøy Industrilag**. Industrilaget har hatt mykje fokus på samferdsle og også i 2013 har omlegging av fylkesvegen gjennom Hosanger vore i fokus og før jul innvilga fylkestinget 45,3 mill kr til prosjektet. Industrilaget arbeider for eit større næringsareal på Espevoll og for utbetring av fylkesvegen gjennom Vesetgjelet. Industrilaget arbeider også for kompetanseutvikling, m.a. innan CNC og robot og tok initiativ til «Aksjon Vg2 Design og tekstil/interiør og utstillingsdesign» frå hausten 2014. Industrilagssekretæren har førebudd utgjeving av saga til Osterøy Industrilag gjennom 50 år. Sjå eiga årsmelding for Osterøy Industrilag.

Kommunen har gitt tilskott til Industriksulent-verksemda også for 2013. Dette ligg inne i kommunen sitt langtidsbudsjett. Kommunen held kontor til Industriksulenten.

Me får tilskott på kr 35.000 frå **Hordaland fylkeskommune** via **Osterfjord Nærings-samarbeid** til næringsutviklingsarbeid. Osterfjord Næringsamarbeid har godtgjort arbeidet som sekretær for næringsamarbeidet med kr 70.000.

OPPDRA

Forutan ein del oppdrag frå året før som det har vore arbeid vidare med, har Industriksulenten altså fått **18 nye oppdrag i 2013**. Dette er både reine kontakt- og informasjonsformidlingsoppdrag og oppdrag der konsulenten har gjort ein "jobb" for verksemda. Omfanget av oppdraga varierer frå oppdrag som vert løyste pr telefon til det største oppdraget som var på 22,5 timar.

Oppdraga var fordelte slik:

	2009	2010	2011	2012	2013
Nye etablerings-oppdrag	16	16	22	19	14
Nye oppdrag for etablerte verksemdar	10	13	9	14	4
SUM	26	29	31	33	18

I tillegg til det som er registrert som "oppdrag", kjem ei rekkje kontaktar med verksemdene gjennom sekretærfunksjonen for Industrilaget og gjennom prosjektarbeid. I Flettverk-prosjektet «Made in Osterøy» deltek t.d. ca 10 verksemdar og ca 10 lokale verksemdar vil vere med i prosjektet «Kompetanseutvikling i CNC og robot-næringsmiljøet i Hordaland».

For mange av etableringsoppdraga var ønsket om å ha ein "samtalepartner" utgangspunktet for kontakten. Von om gunstig "finansiering/tilskott" var utgangspunkt for nokre. Nokre personar tok kontakt for å få utarbeidd "næringsfagleg vurdering" som grunnlag for støtte gjennom NAV. Mellom etablerings-oppdraga var det 3 oppdrag for personar med utanlandsk statsborgarskap. Det at det finst tilskotts-ordning, er eit hjelpemiddel til å kome i

kontakt med oppdragsgjevarane. Men det er svært få som oppnår å få tilskott. Skattefunnordninga med skattefrådrag for utviklingsarbeid er ei bra ordning for veletablerte bedrifter, men det er no relativt få som nyttar seg av ordninga.

Følgjande oppstilling syner korleis oppdraga er fordelte med omsyn til storleik på verksemdene:

Tilsette	Tal oppdrag
Nyetablering	14
1-4	1
5-9	2
10-19	0
20-49	0
50-100	1
SUM	18

Dei fleste av oppdraga er komne i stand etter initiativ frå kunden, eventuelt etter tips frå andre som t.d. NAV. Kva oppdrag Industrikonsulenten arbeider med, vert i stor grad styrt av dei som er initiativrike. Ved 61% av oppdraga var første kontakt pr telefon og resten ved personleg møte eller epost. Oppdraga har vore frå 18 ulike etablerarar / verksemdar.

Oppdraga for **eksisterande verksemdar** bransjefordelt:

Mekanisk industri	1
Anna industri	1
Tenester, anna	2
SUM	4

I desse tala kjem ikkje med oppdrag for eksisterande verksemdar som har gått over fleire år.

Etableringsoppdraga bransjefordelte:

Ulike former for tenester	8
Industri	1
Bygg og anlegg	3
Anna	2
SUM	14

Det er vanskeleg å seie kor mange verksemdar det vert av desse etablerings-sakene, mange etableringar skjer over tid, men heile ca halvparten har starta ny verksemd i løpet av året.

NYREGISTRERINGAR I FORETAKS-REGISTERET

For å gje eit bilete av nyetableringsaktiviteten på Osterøy, tek me med informasjon som byggjer på kunnngjorde nyregistreringar i Foretaksregisteret i 2013. Dette dekkjer ikkje dei som berre er

registrerte i Einingsregisteret (t.d. enkelt-personforetak som ikkje driv handel).

Selskapsform	Tal registrerte
Aksjeselskap, AS	43
Enkeltpersonforetak, DA	5
Sameige	2
Sum	50

Bransjar

Fleire foretak opererer i fleire bransjar.

Her er berre teke med den bransjen som truleg er viktigast:

Bransjar	Tal registrerte
Eigedom, investeringsselskap	21
Bygg og anlegg	8
Tenester (elles)	14
Handel	5
Transport	1
Industri	0
Anna	1
Sum	50

ANDRE SAKER INDUSTRIKONSULENTEN HAR ARBEIDD MED

Forutan å vera **sekretær for Osterøy Industrielag** (sjå eiga årsmelding) har Industrikonsulenten arbeidd med mellom anna følgjande oppgåver av meir generell karakter for Osterøy-næringslivet;

* Osterøy-næringslivet fekk **kompensasjon for auken i arbeidsgjevaravgifta** frå 1.1.2000 t.o.m. 2003. Industrikonsulenten er sekretær for kompensasjonsstyret.

* Industrikonsulenten representerer Osterøy Industrielag i rådet for **Kompetansesenteret for CNC og robot** ved **Osterøy vidaregåande skule**.

* Industrikonsulenten har for 2005-13 hatt **sekretariatsfunksjonen for Osterfjord Nærings-samarbeid**. Osterfjord Nærings-samarbeid vert finansiert m.a. med tilskott frå Hordaland fylkeskommune. Osterfjordregionen får også midlar via Hordaland fylkeskommune til **Regionalt næringsfond for Osterfjord**. Frå 2013 er Åse Nilssen engasjert som prosjektleiar for stimulering og etablering av fleire **lokalsamfunnsutviklings-prosjekt** i Osterfjordregionen. Sjå eiga årsmelding.

* Industrikonsulenten har vore med å starte **Hordaland bioenergiforum** og deltek i arbeidsutvalet. På vegne av forumet har Osterfjord Nærings-samarbeid med Industrikonsulenten som sekretariat fått RUP-midlar hjå Hordaland fylkeskommune til forumsaktivitetar i 3 år. Aktiviteten var låg i 2013.

* Industrikonsulenten har vore pådrivar for å få i stand ein **samarbeidsavtale mellom Osterfjord-regionen og Høgskulen i Bergen**. Avtale vart inngått 15.3.2007. Industrikonsulenten er gjennom

Osterfjord Næringsamarbeid medlem av samarbeidsutvalet som er oppretta. Det vert samarbeidd på fleire område, m.a. teknologileiing og Flettverkprosjektet.

* Industrikonsulenten arbeider for realisering av **eit større næringsområde** på ca 550 da på **Espevoll**; "Stort og Bergensnært", www.espevoll.no

* Som sekretariat i Osterfjord Næringsamarbeid har Industrikonsulenten vore prosjektansvarleg for forprosjektet "**Flettverk**" for kopling tekstilindustri, design, kultur og handverk. Eit 3-årig hovudprosjekt vart starta mot slutten av 2012. Prosjektet er finansiert gjennom Regionalt næringsfond for Osterfjord, RUP-midlar frå Hordaland fylkeskommune og eigeninnsats. Prosjektleiingar er Tone Boska og Siv Stødal.

* Som sekretær i Osterfjord Næringsamarbeid har Industrikonsulenten teke initiativ til prosjektet

«**Kompetanseutvikling i CNC og robotnæringsmiljøet i Hordaland**» under eit nytt program som Innovasjon Norge lanserte hausten 2013. Over 40 skissesøknader vart innsende. 14 prosjekt fekk kr 100.000 kvar til å lage ein hovudprosjektsøknad. Og av desse kom i februar 2014 7 prosjekt med i programmet. Vårt prosjekt fekk full uttøling med eit tilskott på 3 mill kr. Høgskolen i Bergen vil no utvikle ein bachelor og master og Bergen tekniske fagskole eit fagskolekandidat-tilbod innan fagfeltet. Og dette vil skje i samarbeid med Kompetansesenteret for CNC og robot som vil utvikle etter- og vidareutdanningstilbod.

MØTE, KURS, FOREDRAG

Forutan møteverksemd mm. i samband med ovannemnde kan nemnast:

- Delteke ved møte i regi av **Bergen Næringsråd/ Næringsalliansen**.
- Delteke ved **næringskonferansen** for Hordaland og **kom-an.no**-samling.
- Delteke ved møte for **regionale tiltakskontor**. Skipa til eitt av møta på Osterøy med synfaring.
- Arrangert synfaring for småbedriftsleiarar frå **Thüringen i Tyskland** og for tilsette ved **Senter for internasjonalisering av utdanning**.
- Innlegg på møte i det **nasjonale fagrådet for TIP** om Kompetansesenteret for CNC og robot og om landslinje.
- Delteke ved seminar i Bergen og utstilling ved Osterøy museum i regi av **Flettverk**-prosjektet.
- Delteke ved opning av **BIR Avfallsenergi AS sitt oppgraderte attvinningsanlegg** for metall ved Mjelstad restdeponi.
- Delteke ved opningsfest for **nyinnreia bygg på Hauge** for Jakta Metall AS.
- Møte med **Osterfjordretdet**.

STYRINGSUTVAL

Styringsutvalet har hatt følgjande samansetjing:

Formann : Lars Magne Bysheim

Sigbjørn Reigstad, vara Willy Helgesen

Arne Hansen, vara Stig Eknes

Ordførar Kari Foseid Aakre.

DØME PÅ SPØRSMÅL SOM INDUSTRIKONSULENTEN HAR HANDSAMA I 2013

- Kan du hjelpe meg med ein søknad til næringsfondet?
- Me skal starte cateringselskap. Kan du finne ut om me treng serveringsløyve?
- Eg er pensjonert med AFP-ordning. Eg vil drive litt konsulenttenester. Kva selskapsform må eg da satse på?
- Eg vil flytte produksjonsbedrifta mi til Osterøy. Kan du hjelpe meg med å finne eigna lokale?
- Kan du hjelpe meg med ei næringsfagleg vurdering slik at eg kan behalde støtta frå NAV?
- Eg vil starte opp som anleggsgartner. Kan eg nytte deg som samtalepartner?
- Me vil søke SkatteFUNN for utvikling av eit nytt produkt. Kan du som vanleg bistå?

REKNESKAP 2013

Kasserar: Lars Mjøs. Revisor: Norodd Helle

3100	Konsulentonorar	47 950,00
3110	Sekretær Osterøy Industrilag	40 000,00
3440	Tilskott frå Osterøy kommune	150 000,00
3441	Tilskott frå Osterfjord Nærings samarbeid	150 900,00
3441	Tilskott frå andre	
8297	Renteinntekter	29 063,12
	Sum inntekter	417 913,12
5000	Løn inkl sos utgifter netto	329 798,00
6700	Revisjon	1 500,00
6800	Kontorkostnader	31 838,00
7165	Reise/diett	2 186,00
7185	Km godtgjersle	4 625,00
7770	Gebyr	1 578,00
	Sum utgifter	371 525,00
	Overskott/underskott	46 388,12
1500	Kundefordringar	12 656,25
1900	Bankkonti	1 236 684,00
	Sum eiga	1 249 340,25
2410	Leverandørgjeld	5 500,00
2600	Skuldig skattetrekk	17 008,00
2700	Skuldig mva	10 143,00
2770	Skuldig arbeidsgjevaravgift	9 191,00
	Eigenkapital	1 207 498,25
	Sum gjeld og eigenkapital	1 249 340,25
	Eigenkapital 1.1.2013	1 161 109,29
	Overskott/underskott 2013	46 388,12
	Eigenkapital 31.12.2013	1 207 497,41

INDUSTRIKONSULENTEN PÅ OSTERØY

TIL DI TENESTE

FOR KVEN ?

Alle som driv eller har lyst til å driva næringsverksemd på Osterøy, har høve til å nytta Industrikonsulenten. Verksemda di eller planane dine kan vera frå dei minste til dei største og i alle bransjar.

KVA SLAG SPØRSMÅL ?

Alle typar spørsmål som har med næringsverksemd å gjera, kan rettast til Industrikonsulenten. Me vil anten kunne svara på dei sjølve eller finna fram til stader der du kan få svar. Alle opplysningar vert handsama fortruleg.

KVA KOSTAR DET ?

Tenestene til Industrikonsulenten er gratis dersom du er nyetablerar eller me treng kort tid for å finna svar på spørsmålet ditt. Dersom spørsmålet ditt krev meir arbeid, må du etter avtale betale ein timepris frå kr 450 til kr 550.

KVEN STÅR BAK ?

Det er Osterøy Industrilag som har teke initiativ til stillinga og tilsett Industrikonsulenten. Osterøy kommune støttar stillinga økonomisk og held kontor, telefon og breiband. Industrilaget betaler sekretærgodtgjersle og ein del inntekter kjem frå oppdrag me utfører for næringslivet og for Hordaland fylke. Ordføraren er representert i styringsutvalet for verksemda.

KVEN ER ME ?

Lars Mjøs har vore tilsett som Industrikonsulent sidan 1982. Han er utdanna sivilingeniør, maskinlina, ved Norges Tekniske Høgskule, no NTNU. Han har vidareutdanning innan undervisning, miljøvern, mellom anna arbeidsmiljøspørsmål og innan etablerarretteiing. Han har vore med å skrive boka "Fem små mekaniske verksteder" og boka "Grunnbok i bedriftslære".

Han har 1 års verkstadpraksis frå Nylands Mekaniske Verksted i Oslo før han tok til med utdanninga og han har arbeidd 2 år som skipsvinsjkonstruktør ved BMV, Hordvikneset.

KORLEIS FÅ TAK I INDUSTRIKONSULENTEN ?

Ring direktenummer 56 19 22 70, mobil 416 28 531. E-postadressa er; lars.mjøs@osteroyindustrilag.no . Du kan og vitje Industrikonsulenten i "bustaden" ved rådhuset på Hatland. Send eller legg att ei melding om du ikkje treff nokon på kontoret. Nærare informasjon finn du på www.osteroyindustrilag.no/indkons og på www.kom-an.no